

056/15



REPUBLIKA E SHQIPËRISË
KOMISIONERI PËR TË DREJTËN E INFORMIMIT DHE MBROJTJEN E TË
DHËNAVE PERSONALE
DREJTORIA PËR TË DREJTËN E INFORMIMIT

Nr. 527/Prot
2

Tiranë, më 22 /06/ 2015

Lënda: *Dërgim Vendimi*

Drejtuar: **QENDRA “RES PUBLICA”**
Adresa: Blv “Gjergj Fishta”, Nd.24, H.3, Ap.44
Email: dorian.matlija@gmail.com

Për dijeni: **FONDI SHQIPTAR I ZHVILLIMIT**
Adresa: Rruga "Sami Frashëri", Nr.10
Email: adf@albaniandf.org

Tiranë

Bashkëlidhur ju dërgojmë Vendimin nr. 39, datë 22/06/2015 të Komisionerit për të Drejtën e Informimit dhe Mbrojtjen e të Dhënave Personale.

Ardita SHEHAJ

DREJTOR





REPUBLIKA E SHQIPËRISË
KOMISIONERI PËR TË DREJTËN E INFORMIMIT DHE MBROJTJEN E TË
DHËNAVE PERSONALE

Nr. 527 / Prot.

Tiranë, më 22 /06/2015

VENDIM
“ Për rrëzimin e ankesës”

Nr. 39 ,datë 22 / 06 /2015

Në mbështetje të nenit 23 të Kushtetutës së Republikës së Shqipërisë, pikës 3 dhe 5 të nenit 24, të ligjit nr. 119/2014 “Për të drejtën e informimit”, shkronjës a) të nenit 31/1 të ligjit nr. 9887 datë 10.03.2008 “Për mbrojtjen e të dhënave personale” i ndryshuar, Komisioneri për të Drejtën e Informimit dhe Mbrojtjen e të Dhënave Personale,

V Ë R E N:

Ankuesi/Qendra “Res Publica”, ka depozituar pranë Zyrës së Komisionerit ankesën Nr.527 Prot., datë 01.06.2015, ndaj Fondit Shqiptar të Zhvillimit, me objekt “*Ankim ndaj refuzimit për dhënie të informacionit dhe kopje të dokumentave zyrtare*”. Ankuesi/ Qendra “Res Publica” ka kërkuar t’i vihen në dispozicion kopje të dokumenteve, konkretisht:

1. Kopje të urdhrit/ave të prokurimit për prodhimin dhe transmetimin e spoteve televizive, reklamave si dhe njoftimeve të botuara në shtypin e shkruar.
2. Kopje të ftesës për negociata që i është bërë subjekteve dhe listën e mediave që i është dërguar ftesa.
3. Kopje të urdhrit për ngritjen e Komisioneve për ndjekjen e procedurave për prodhimin/ transmetimin dhe blerjeve të spoteve publicitare, nëse ky komision nuk është ngritur me Urdhrin e Prokurimit.
4. Cili është linku ku është publikuar ftesa për oferta?
5. Kopje të Procesverbalit të vlerësimit me pikë të operatorëve pjesëmarrës.
6. Kopje të Raportit të Komisionit mbi procedurën e ndjekur, drejtuar titullarit.
7. Kopje të vendimit të titullarit për lidhjen e kontratës (nëse ka).
8. Kopje të kontratës së lidhur për prodhimin dhe transmetimin e spoteve publicitare dhe njoftimeve/reklamave të botuara në shtypin e shkruar.

Komisioneri, në përputhje me pikën 3 të nenit 24 të ligjit nr.119/2014 “Për të drejtën e informimit” sipas së cilës për shqyrtimin e praktikës mund të informohet nga çdo person dhe *burim tjetër*, paraprakisht ka verifikuar statusin juridik të Fondit Shqiptar të Zhvillimit për të përcaktuar nëse bën pjesë në përcaktimet e nenit 2 të ligjit nr.119/2014 “Për të drejtën e informimit”, rrjedhojë e të cilës është zbatimi ose jo i kërkesave të këtij ligji.

Fondi Shqiptar i Zhvillimit funksionon në përputhje me Ligjin nr.10130, datë 11.5.2009, “Për Fondin Shqiptar të Zhvillimit”, i ndryshuar. Bazuar në pikën 1 dhe 2 të nenit 4 të këtij ligji, FSHZH është person juridik dhe gëzon statusin e organizatës jofitimprurëse, gëzon pavarësi drejtuese, administrative, financiare dhe teknike.

Për sa më sipër rezulton se FSHZH nuk është autoritet publik sipas përkufizimit të ligjit nr.119/2014 “Për të drejtën e informimit”.

Ankesa rezulton e pa bazuar në ligj dhe si e tillë ajo duhet rrëzuar.

PËR KËTO ARSYE

Bazuar në shkronjën c) të pikës 5 të nenit 24 të ligjit nr. 119/2014 “Për të drejtën e informimit”,

V E N D O S A:

1. Rrëzimin tërësisht të ankesës nr. 527 Prot., datë 01.06.2015 të Qendrës “Res Publica”, ndaj Fondit Shqiptar të Zhvillimit.
2. Kundër këtij vendimi ankuesi ka të drejtën e ankimit në Gjykatën Administrative kompetente, në përputhje me nenin 25 të ligjit nr.119/2014 “Për të drejtën e informimit”.
3. Ky vendim u dha sot në datë 22.06.2015.

Besnik DERVISHI

KOMISIONERI

